



लईका मन बर बाईबिल प्रस्तुत करत हवे।

जभे भगवान हर सबो जगत ला बनाईस।



लिखे गए हवे। : Edward Hughes

उत्साह बढ़ाए गए हवे। : Byron Unger; Lazarus

अनुवाद करे गए हवे। : मधुलिका महतो

चयन करे गए हवे। : Bob Davies; Tammy S.

कथा १ ले ६०

www.M1914.org

Bible for Children, PO Box 3, Winnipeg, MB R3C 2G1 Canada

लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।


Chhattisgarhi

हमन ला कौन हर बनाए हवे ? एक बाईबिल, भगवान के कहे गे
बानी हर हमन ला बताथे कि मइनसे के दौड़ हर कैसे शुरू होवत
हे। बहुत पहिले भगवान हर पहिला मइनसे बनाईस। अऊ ओखर
नाव आदम राखिस।




1

भगवान हर आदम ला धरती के धुररा अव माटि ले बनाईस। जब
भगवान हर आदम के देहें मा सांस ला फूंकिस तभे आदम हा जिंदा
हो गइस। आदम हर अपन आप ला एक ठी सुंदर बन मा पाइस
जेकर ना अदन रहिस।




2


भगवान हर आदम ला बनाए ले आघु ओहर कई प्रकार के सुंदर चीज ले ए धरती ला बनाईस। फिर बारी बारी ले भगवान हर पहाड़, पथरा, कहरदार फूल अऊ रंग रंग के चिरई चिरगुन, मुधुमाखी, मछली, घोंघी ल बनाईस। सच्ची मां भगवान हर सब कुछ ला बनाईस हवे।



सबले शुरूआत मां जब भगवान हर कुछ नहीं बनाए रहिस ए धरती मा भगवान ला छोड़ के अऊ कुछ चीज नहीं रहिस। एकोठी मइनसे, जगह अऊ कुछ चीज नहीं रहिस, कुछ भी नाही, ना अंजोर रहिस ना अंधियार। न कुछ उपर रहिस अऊ ना कछु तरी। न कुछ बीते काल रहिस न कुछ आए वाला काल, केवल भगवानेच हर रहिस जाकर कोई शुरूवात नी होए। ओकर बाद भगवान हर कदम उठाईस।




सबले शुरूआत मा भगवान हर सरग लोक अऊ धरती लोक ला बनाइस हवे।



अऊ धरती हर बिना छोर के रहिस अऊ अंधियार हर गहराई ले समाए रहिस। फेर भगवान हर कहिस "अंजोर होजा"।



अऊ अंजोर होंगे। भगवान हर अंजोर ला दिन अऊ अंधियार ला रात कहिके पुकारिस। अऊ संझा व बिहना हर एक पहिला दिन रहिस।




दूसर दिन भगवान हर समुंदर के पानी ला बनाईस। अऊ सरग के तरि म समुंदर अऊ झील बनाईस। तीसर दिन भगवान हर कहिस "सूखा भूईयां परगट होजा" अऊ ओहर परगट हो गिस।




भगवान हर आज्ञा दिस कि दुबी अरु फूल, अरु झाड़ी अरु पेड़ परगट हो जा। अरु ओहर परगट होंगे।

अरु सांझ अरु बिहना हर तीसर दिन रहिस।




फेर भगवान हर सूरज, चांद अरु अबड़ अकन तारा ला बनाइस। जेला कहूं नई गिन सके। अरु सांझ अरु बिहना हर चौथा दिन रहिस।



समुंदर के जीव अरु मछरी, चिरई भगवान के दूसर रचना रहिस। पांचवा दिन भगवान हर एक गो बड़खा तलवार कस मछली अरु छोट-छोट जीव अरु लंबा गोड़ वाला जीव अरु खुश रहे वाला सुंदर चिराई, भगवान हर रंग रंग के किस्म-किस्म के मछरी बनाईस ताकि धरती के पानी ला भरे जा सके। अरु हर परकार के चिरई बनाईस ताकि ओमन धरती, समुंदर अरु आकास मा मौज मस्ती कर सकें। अरु एहर सांझ अरु बिहना के पांचवा दिन होइस।



एकर बाद भगवान हर एक घा फेर कहिस ए धरती मां जिंदा जीव जंतु चौथा परकार के आ सकथे। रकम - रकम के प्राणी अरु कीड़ा मकोड़ा, जीव जंतु मन अरु इहां रहें। ओ करा धरती ला हिचकोल देहे वाला हाथी, मगन रहिन, ओकरा बेंदरा अरु मगरमच्छ घलो रहिस। रेंगे वाला कीरा अरु चूंदी वाला लंबा जीराफ अरु चउतरा बिलाई, हर परकार के प्राणी भगवान के द्वारा एही दिन बनाए गे हवय। अरु सांझ अरु बिहना के छठवां दिन रहिस।




भगवान हर छठवां दिन कुछु अलगा करिस। कुछु अबड़ अनोखा। हर एक चीज हर मइनसे बर तैयार हो चुके रहिस। खेत म खाए बर अनाज, अरु जानवर भी रहिस। अरु भगवान हर कहिस हमन ला

एक मइनसे अपन कस बनाए ला चाहि। इ धरती के सब चीज के बीच मा भगवान बनके रहेला चाहि। त भगवान हर एक मइनसे ला अपन रूप मा बनाइस। भगवान के छवि के रूप मा ओहर इंसान ला बनाइस।



भगवान ह आदम ला कहिस - इ वाटिका मा तुहला जो खाए के मन लागथे खावा। लेकिन ओहर अच्छा अरु बुरा के ज्ञान के रूख हावे ओमे ले तेहर एकोठी फल ज्ञान खाबे। अगर तेहर उ रूख के फल ला खाबे त निश्चय मरीच जाबे।



अऊ परमेश्वर हर कहिस ए हर सुघर बात नो हे कि कोई भी मइनसे एकला रहे। मेहर ओखर बर एक साथी बनाहूँ। भगवान हर चिराई जीव मन ला आदम करा ले आइस।



15

आदम हर ओमन के सबो के नाम ला राखिस। ओहर बड़ चतुर रहीस अऊ चालाक भी तेकर बर ए काम ला करे पाइस। लेकिन सब जीव जंतु कर बीच मा आदम के लायक कोई साथी नीं रहिस।



16

भगवान हर आदम ला गहरा नींद मा लाइस, सुते हवे आदम के पसली म ले एक पसली ला निकाले के बाद भगवान हर ओखर पसली ले एक स्त्री ला रचिस। जोन स्त्री ला भगवान हर रचिस ओ स्त्री हर आदम बर एक लायक सच्चा जीवन संगिनी रहिस।



17

भगवान हर छठवां दिन सबोच ला बना डारे रहिस। फेर भगवान हर सांतवा दिन ला आशिर्वाद करिस। अऊ ओला विश्राम दिन के रूप म मनाइस। अदन के वाटिका मा आदम अऊ ओखर स्त्री हवा हर खुशी से भगवान के आज्ञा ला मानत रहिन। भगवान हर ओमन के परमेश्वर रहिस। ओमन के दाता अऊ मित्र भी रहिस।



18

जभे भगवान हर सबो जगत ला बनाईस।

इ कथा हर भगवान के बचन के द्वारा एक ठी बाईबिल

पाए जाथे।

उत्पत्ति १-२

"आप मन कर बानी हर एला अंजोर देखे।"

भजन संहिता ११९ : १३०

भगवान ला पता हे कि हमन गलत काम करे हन जेन ला ओहर पाप कहिथे। पाप के सजा मौत हावे।

भगवान हमन ले बहुत प्यार करथे, ओहर अपन बेटा ईशु मसीह ला क्रूश में मरे बर अऊ हमर पाप के सजा ला पाये बर भेजीस। ईशु मसीह हा फेर जिंदा होगिस अऊ स्वर्ग वापस चल दिस ! अब भगवान हर हामन के पाप बर माफ कर सकथ हे।

अगर आप मन अपन पाप ले मुख ला मोड़े बर चाहत हव ता भगवान ले ये कहव : हे भगवान! मैं विश्वास करथव कि ईशु मसीह हा मोर बर मरीस हावे अऊ अब ओहर फेर ले जीवित हावे। दया करके मोर जिंदगी मा आवव अऊ मोर पाप ला क्षमा करव। ताकि मैं हर अभी नांवा जिंदगी ला पा सकव, अऊ आप मन के संग मा हमेशा बर रह सकव। आपके बेटा बनके आप बर जिये सकव।

बाइबल ला पढ़व अऊ भगवान से रोज बात करव !